

Eftirlit - Snyrtivörur - Svitalyktareyðir í apóteki á Norðvesturlandi

Dagsetning	18.11.2022
Fyrirtæki	Lyfja hf.
Heimilisfang	Hagasmára 1, 201 Kópavogi
Kennitala	5310952279
Starfsemi	Lyfjaverslanir
Eftirlitsstaður	Lyfja, Ártorgi 1, 550 Sauðárkróki
Fulltrúi fyrirtækis á vettvangi	
Eftirlitsmaður	Fífa Konráðsdóttir
Tegund eftirlits	Efnaeftirlit
Tengiliður fyrirtækis	

SAMANTEKT

Umhverfisstofnun barst ábending frá Heilbrigðiseftirliti Norðurlands vestra í kjölfar eftirlits þess dags. 18.2.2022 hjá verslun Lyfju hf. að Ártorgi 1 um að snyrtivaran Men Expert Thermic Resist 48 hour Anti Perspirant (250 mL) uppfyllti hugsanlega ekki kröfur efnalaga og reglugerðar um snyrtivörur. Varan Men Expert Thermic Resist 48 hour Anti Perspirant reyndist uppfylla kröfur sem settar eru fram í þeim lögum og reglugerðum sem falla undir umfang eftirlitsins.

MERKING HUGTAKA OG SKAMMSTAFANIR

Merking eftirfarandi hugtaka og skammstafana sem notuð eru í skýrslunni er sem hér segir:

CPNP: Cosmetic Product Notification Portal eða Snyrtivöruvefgátt ESB þar sem nýjar snyrtivörur á markaði eru tilkynntar í samkvæmt reglugerð (EB) nr. 1223/2009 um snyrtivörur.

MARKAÐSSETNING SNYRTIVARA

Snyrtivara, sem er boðin fram á markaði, skal vera örugg fyrir heilbrigði manna við eðlileg eða sæmilega fyrirsjáanleg notkunarskilyrði. Ábyrgðaraðili fyrir markaðsetningu vöru skal halda um hana vöruupplýsingaskjal, sem m.a. inniheldur öryggismat til staðfestingar á því að varan sé örugg til notkunar.

Ábyrgðaraðila ber skylda til að tilkynna snyrtivörur í snyrtivöruvefgátt ESB (Cosmetic Product Notification Portal) áður en þær eru settar á markað samkvæmt 40. gr. efnalaga nr. 61/2013 og reglugerð nr. 577/2013 um snyrtivörur sem innleiðir reglugerð (EB) nr. 1223/2009 sama efnis.

Almennar upplýsingar sem þarf að skrá í snyrtivöruvefgátt (CPNP) eru:

- Flokkur og heiti vöru

- Nafn og heimilisfang ábyrgðarmanns og samskiptaupplýsingar
- Upprunaland snyrtivöru
- Ríki innan EES þar sem markaðssetja á snyrtivöru
- Ljósmynd af vöru/umbúðum
- Mynd af miða á umbúðum og/eða sýna texta á umbúðum. Allar skyldubundnar merkingar eiga að sjást á miðanum

Aðrar upplýsingar um hvað þarf einnig að skrá í CPNP má finna í 13.gr reglugerðar (EB) nr. 1223/2009 um snyrtivörur.

MERKING

Samkvæmt reglugerð nr. 577/2013 og 19. gr. reglugerðar (EB) 1223/2009 um snyrtivörur skulu merkingar þeirra vera á íslensku, ensku eða Norðurlandamáli öðru en finnsku. Notkunarskilyrði og varnaðarorð í dálki (i) í III., V. og VI. viðauka reglugerðar skulu vera á íslensku, með undantekningum varðandi viðvörunarmerkingar vegna flúorinnihalds í tannkremi og ef merkingin er eingöngu ætluð til að taka fram að snyrtivaran innihaldi tiltekið innihaldsefni.

Upplýsingar sem eiga að koma fram á íláti og umbúðum snyrtivara eru taldar upp í 19. gr. reglugerðar(EB) 1223/2009 um snyrtivörur og eftirfarandi atriði þurfa að koma fram á merkimiða :

- Nafn og heimilisfang ábyrgðaraðila
- Upprunaland ef um innflutta snyrtivöru er að ræða
- Magn við pökkun (þyngd eða rúmmál)
- Dagsetning geymsluþols skal koma fram á eftir ákveðið tákni fyrir stundarglas (mánuður og ár eða dagur, mánuður, ár) ef geymsluþol er minna en 30 mánuðir
- Ef opnun umbúða hefur áhrif á geymsluþol skal ákveðið tákni fyrir opið ílát vera á umbúðum (fjöldi mánaða eða ára skal setja inn í eða við táknið)
- Notkunarskilyrði og varnaðarorð á íslensku skv. III. viðauka reglugerðar (EB) 1223/2009
- Númer framleiðslulotu eða tilvísun
- Hlutverk snyrtivöru ef það er ekki augljóst á söluumbúðum
- Skrá yfir innihaldsefni í lækkandi röð eftir hlutfalli vöru
- Heiti innihaldsefna skal vera samkvæmt INCI nafnakerfi, sé það til, annars samkvæmt öðru viðurkenndu nafnaefni. Öll innihaldsefni á formi nanóefna skulu tilgreind á umbúðum.
- Ilmefni má merkja sem „ilmefni“ eða „lyktarefni“ (parfum/perfume/aroma)

INNIHALDSEFNI

Efni sem talin eru upp í II. viðauka reglugerðar (EB) 1223/2009 er bannað að nota í snyrtivörur. Efni sem talin eru upp í III. viðauka reglugerðar (EB) 1223/2009 eru aðeins heimilt að nota í samræmi við fyrirmælin sem þar koma fram. Í viðaukum með reglugerðinni eru listar með litgjöfum og rotvarnarefnum sem heimilt er að nota.

UMFANG EFTIRLITS

Umhverfisstofnun barst ábending um að snyrtivaran Men Expert Thermic Resist 48 hour Anti Perspirant uppfylli ekki skilyrði reglugerðar 577/2013 um snyrtivörur varðandi merkingar á umbúðum. Hófst þá eftirlit kjölfar ábendingar sbr. hlutverk Umhverfisstofnunar með framkvæmd

efnalaga nr. 61/2013 og reglugerðar nr. 577/2013 um snyrtivörur. Markmið eftirlitsins var að skoða hvort varan uppfylli kröfur varðandi merkingar og umbúðir, skráningu í snyrtivöruvefgátt og markaðssetningu snyrtivara sbr. 40 gr. efnalaga.

NIÐURSTAÐA EFTIRLITS

Eftirtaldar vörur sem falla undir umfang eftirlitsins voru skoðaðar:

Vara	Strikamerki
Men Expert Thermic Resist 48 hour Anti Perspirant	3600522626060

Varan reyndist uppfylla þær kröfur sem hún var skoðuð með tilliti til og settar eru fram í framangreindum reglugerðum og því eru engin frávik tilgreind.

Reykjavík, 14.2.2022

Fífa Konráðsdóttir